



POËSIE

GRAAD 6 TOT OPE AFDELING

1. VOORSKRIFTE

1.1 ALGEMENE VOORSKRIFTE:

- 'n Deelnemer mag in een of meer kategorieë deelneem.
- 'n Deelnemer skryf in volgens skoolgraad, dit wil sê óf in graad 6, 7, 8, 9, 10, 11, 12 óf die ope afdeling (18-25 jaar; dui ouderdom aan).
- **NB! NB!** Dieselfde inskrywings mag NIE meer as een keer (jaar na jaar) vir die Internasionale Afrikaans-Ekspo ingeskryf word NIE. Dit moet oorspronklike werk wees wat nog nie voorheen ingeskryf is nie.
- Alle inskrywings moet die deelnemer se eie, selfstandige, unieke en nuwe werk wees.
- **LET WEL!** Die beoordelaars is onafhanklik van die FAK en hulle beslissings vir die finaliste en wenners is finaal en bindend en geen korrespondensie sal daarvoor gevoer word nie.

1.2 VOORSKRIFTE VIR DIE HANTERING VAN 'N INSKRYWING:

- Die poësie moet getik wees, met die volgende vereistes:
 - › Font: Calibri
 - › Lettergrootte: 12
 - › Spasiëring: 1½
 - › Kantlyne: 20 mm rondom
- Bo-aan jou werkstuk/inskriving moet die onderstaande inligting aangebring word. Die inskriving sal punte verloor indien nie hieraan voldoen word nie:
 - › Naam en van
 - › Graad/ouderdom
 - › Afrikaans eerste taal (huistaal) / Afrikaans tweede taal (addisionele taal)
 - › Kategorie
 - › Titel
- Sien punt 3 in die Algemene Afdeling oor hoe om jou inskriving(s) in te dien.
- Heg die gedig in *pdf-formaat* aan.
- Indien meer as een inskriving vir hierdie kategorie ingeskryf word (bv. een leerder wat twee gedigte skryf), moet elke inskriving apart ingestuur word, elk met 'n afsonderlike inskrywingsvorm. Geen bundels word aanvaar nie.
- 'n Maksimum van DRIE INSKRYWINGS per kategorie per leerder word toegelaat. Geen ekstra inskrywings sal aanvaar word of beoordeel word nie. Kies die beste DRIE om in te skryf.
- Ons verkies dat geen handgeskrewe poësie ingestuur word nie. Die beoordelaar moet nie sukkel om dit te lees nie.

2. WENKE

- Lees baie poësie.
- Eenheidsindruk en eenheidseffek is baie belangrik.
- Vermoë om oordrewe emosie, sentimentaliteit.
- Vermoë om rymelary – blote herhaling van betreklik niksseggende rymwoorde.
- Goeie rymwoorde rym nie net nie, hulle verskil ook; hulle bevat iets vreemds en anders.
- Gee aandag aan die afsluiting van die gedig.
- Probeer sterk, konkrete beelde gebruik.
- Konkrete taal, wat naby aan die alledaagse lewe en alledaagse ervaring lê, is baie belangrik.
- Woordgebruik moet kreatief wees.

3. OPDRAG

- Skryf 'n oorspronklike Afrikaanse gedig met die tema van die jaar as die onderwerp.
- Geen prente en/of sketse word toegelaat nie!
- Geen bundels mag ingestuurd word nie. Gedigte moet apart hanteer word.
- Gee 'n Afrikaanse titel vir jou gedig. Die woord "Poësie" of "Gedig" is nie 'n titel nie.

BEOORDELING SAL NA AANLEIDING VAN DIE VOLGENDE GEDOEN WORD:

KLANK/RYM __ / 15	<ul style="list-style-type: none"> • Is die gedig in totaal melodieus/soetklinkend? • Indien klankabootsing of beeldspraak voorkom, is dit funksioneel en effektief? • Word van assonansie, alliterasie gebruik gemaak? Is klankherhaling effektief? • Is die klank ondersteunend tot die geheel van die gedig? • Is die gedig "beweeglik"/nie staties nie? • Indien enige rym voorkom, is dit natuurlik? • Is daar rymdwang? Is dit funksioneel? • Dra die klank/ritme/rym by tot die atmosfeer/toon van die gedig?
TITEL, WOORDGEBRUIK, VERSTEGNIEK, LEESTEKENS EN BEELDSPRAAK, BV. METAFORE, PERSONIFIKASIE, VERGELYKING EN SIMBOLIEK __ / 25	<ul style="list-style-type: none"> • Is daar vernuwende woordspeling teenwoordig of is die woordgebruik alledaags? • Dra die woordgebruik by tot die atmosfeer/toon van die gedig? • Dra die woordspeling by tot die hooftema/onderwerp van die gedig? • Is die sinsbou funksioneel (kom daar inversie, enjambement voor)? • Indien die gedig van 'n titel voorsien is, is die titel gepas en funksioneel of doen die titel afbreuk aan die gedig? • Word leestekens sinvol aangewend? • Indien enige beeldspraak voorkom, is dit funksioneel? • Is goeie Afrikaans gebruik? • Het die gedig 'n titel? • Is die teks taalversorg en die spelling foutloos?
TEMA (INHOUD) __ / 10	<ul style="list-style-type: none"> • Is daar 'n vaste tema in die gedig? • Dra die outeur kennis van die onderwerp/tema? • Bepaal die inhoud die toon van die gedig? • Is die gediginhoud genoegsaam epies/liries/dramaties van aard?
TOTAAL uit 50